

12. november 2013

UKA 2013/25  
Lars Mathæussen

**Kalaallit Nunaanni Imminut Toquttoqartarnera Pitsaaliorniarlugu nuna Tamakkerlugu Iliusissatut Siunniussat 2013-2019.**

(Peqqissutsimut Attaveqarnermullu Naalackersuisoq)

Peqqissutsimut Naalackersuisup imminut toquttarneq pillugu pitsaaliuinissamut nuna tamakkerlugu periusissiorinissamik saqqummiusnaanut Siumumiik ima oqaasissaqarpugut.

Siullermik Naalackersuisoq qutsavigissavarput suliaq pingaarutilittut isigisarput aallartinniarlugu siunniussaqaarsimammat.

Nunatsinni annertoqisumi inuillu siammaseqaluta inuuffitsinni piffissaanngitsukkut qimagutarneq annertuallaarmat inuiaqatigiinnguini artornarluinnartartoq.

Taamaammat Siumumiik Naalackersuisup suleqatigiisitsilluni sulinialerana tamatta peqataaffigissagipput kikkuugaluaruttaluunniit nunatta ilaani sumiikkaluaruttaluunniit, aaammalu kikkuussuseq aallaaviginagu suliami peqataassasugut kissaatigaarput.

Soorunami aamma sanilitta taama eqqugaasimaneq qanoq akiorniarsimaneraat alapernaattariaqarparput, inoqarfimmi issittumiittut nunasiaataasimasullu sanilitta misilittagaat atorfissaqartippavut pinngitsoorsinnaanagillu, avatitsinni ilisimasassarsiorinissartaaq ilanngunneqassasoq kissaatigaarput.

Naalackersuisup saqqummiussinermini eqqaavaa inooqatigiinnermi ajornartorsiutit aamma aallaaviusartut, aap inuunerup nunatsinni inuussutissarissaarluni inuusimanagerup apparartornerata aamma taama ajornartorsiuteqaleriartorneq ilagigaa takussutissippaatigut, nunatsinnimi suliffissanik amerlasuunik nunanut allanut nuussisimanagerup sumut iluaqutaasimanagera aamma misissussagipput pisariaqarsoraarput, innuttaasummi allaat kinguaariit pingajussaa aallartimmata suliffissanik ataavartunik neqeroorsinnaaneq nunatsinni amigaataanera ukiuni kingullerni pitsanngoriartortissimannnginnatsigu.

Taama ajornartorsiuteqarnerup sumik pissuteqarnera qulaajarneqassappat nunatsinni naalackersuinikkut arlaatigut equngasumik inissiisimaneq alakkartinngitsuugassaannngimmat Naalackersuisup qulaajaasoqarnissanik kissaateqarnera Siumumiik tapersorsorluinnarparput.

Ajornartorsiutip qaangerniagassap inuit akornanni ammasumik oqaloqatigiissutigisarnissaa inassutaammat inuillu ataasiakkaattaaq pineqartumut akuunerunissaat pisariaqartoq oqariartuutip naanerani ersertoq tapersorsornaqaaq.

Naggataatigut Naalackersuisup suliaq aallartitaa taama isikkoqarluni ingerlaqqinnissaa Siumumiik akuersaarparput.